

Գ Լ Ո Ւ Խ Ծ Բ .

Քաղաք վարդապետ : Բողոք միաբանաց : Մինաս վարդապետ Աթոցի : Այլազգիք Երուսաղէմի և Մինի : Աւետիք վարդապետ : Միութիւն Աթոցն Երուսաղէմի ընդ պատրիարքութեան Կոստանդինուպօլսոյ : Աշխարհական տեղակալք Ի Ս . Յակոբք՝ Նալբ անուամբ :

ՉԿՆԻ մահուան Յովհաննու Պատրիարքի, իշխանաւորք ազգին Կոստանդինուպօլսոյ, ընտրեցին ՚ի տեղի նորա զՔաղաք վարդապետ Զէյթունցի Կոյճուկ կոչեցեալ, և առին հրովարտակ ՚ի Դրանէ վասն հաստատութեան Պատրիարքութեան նորին : Իսկ նորա առեալ գերովարտակն ել ՚ի Կոստանդինուպօլսոյ, և սկսաւ շրջիլ յամենայն քաղաքս Ասիոյ, իբրեւ Պատրիարք Երուսաղէմի, և ժողովել զնուէրս ՚ի ժողովրդոց յանուն նորա : Սակայն միաբանք վանաց Ս . Յակոբայ կային յեաին յաղքատութեան և ՚ի չքաւորութեան եւ դէտակն կալեալ սպասէին գալստեան Պատրիարքի իւրեանց, և կամ գէթ առաքելոյ օգնութիւն ինչ ՚ի նպաստ պիտոյից : Իբրեւ տեսին թէ ՚ի շրջանի միոց տարւոյ ոչ երեւեցաւ նա, և անխոյթ լեալ զնեղութենէ միաբանաց ոչ առաքեաց առ նոսա զնուէրս ժողովրդոց զորս հաւաքէր, և չէ ինչ փոյթ նմա զկառավարութենէ և ըզխնամակալութենէ վանաց . դիմեցին առ գատաւորն Երուսաղէմի, և ճառ արկեալ պատմեցին զթշուառութիւն վիճակին և զանիրաւութենէ Պատրիարքի իւրեանց : Եւ նորա լուեալ զամենայն բանս եւ զհանգամանս գործոց նոցին, գրեաց և ազդ արար առ գատաւորն Կոստանդինուպօլսոյ : Եւ ՚ի սոյն ժամանակի հասին ՚ի Կոստանդինուպօլսոյ հանրագրութիւնք ժողովրդոց Բերիոյ, Եւզոկիոյ, Սեբաստիոյ, Տիգրանակերտի և Կարնոյ, որք միաբան բողոք բարձեալ գանկաւէին զանիրաւութենէ և զզրկանաց Քաղաք վարդապետի և ցուցանէին զայն վնասապարտ և խռովիչ ժողովրդոց . եւ զնուէրս զոր ժողովեաց խարէյութեամբ յանուն Երուսաղէմի, ոչ առաքեաց զայն ՚ի տեղի իւր : այլ ինքն չարութեամբ և անզգամութեամբ եկեր և վատնեաց ըստ կամաց իւրոց եւ վանք Ս . Յակոբայ հեծէ ընդ